

續名醫類案卷四

錢塘魏之琇編集

海昌王士雄孟
定州楊熙蓀素問

同校

傷風

孫文垣治王祖泉乃眷朝飯後稍寒惡風發熱傷風惡風遍身疼

痛汗大出不止

傷風則有汗

口中熱腹中不知饑小水短

腫金不利

而汗多也

六脉皆濇

營衛不和

投以白芍五錢白朮二錢桂枝黃芩

各一錢甘草八分二帖汗止寒熱除去白朮加當歸身痛

亦愈



續名醫類案卷四

錢塘魏之琇編集

海昌王士雄孟
定州楊熙蓀素聞

同校

傷風

孫文垣治王祖泉乃眷朝飯後稍寒惡風發熱傷風惡風遍身疼

痛汗大出不止

傷風則有汗

口中熱腹中不知饑小水短

腫金不利

而汗多也

六脉皆濇

營衛不和

投以白芍五錢白朮二錢桂枝黃芩

各一錢甘草八分二帖汗止寒熱除去白朮加當歸身痛

亦愈



費一吾六弟婦遍身痛發熱汗大出昏昏如醉卧不能起孫

診之兩寸短弱六脉皆數而無力此勞倦之餘故汗大走

也身痛發熱不僅傷風黃耆三錢白芍四錢甘草一錢五分桂皮八

分當歸一錢石斛二錢與前藥俱就建中加減除於雜症多用此方一帖熱除

痛汗皆止惟倦不能起前方加人參陳皮兩帖而痊

一婦人先傷風發熱咳嗽二月乃分娩熱尚未退食雞汁肉

等太早嗽熱愈盛已八日矣胸膈脹痛頭痛口渴大便秘

肺氣壅而血液燥也咳出之痰色黑而臭小水短少脇下扯痛氣逆

而喘不得卧左脇不能着席汗出不止症甚危以瓜蒌五

錢蘇子一錢枳殼酒芩各六分前胡桔梗各五分甘草三

分薑三片製方甚妙服之胸膈之痛減半喘少定再進藥大便秘

用蜜導下就方加減服之熱盡退諸症尋愈

胡鏡陽尊堂年七十二脾泄十五年不愈近加吐紅咳嗽痰

多不易出

肺金壅滯可知

申酉時潮熱胸膈壅塞不能就枕飲食

大減且惡風終日坐幔中諸醫謂發熱吐紅法當寒涼脾

泄多年氣虛老邁法當溫補二症矛盾難於投劑身熱脉

大又血家所忌束手無策皆辭去孫診之兩手脉皆浮洪

而數皆帶滑據脉洪數爲熱滑爲痰浮爲風邪在表以傷

風故惡風法當清解可無恙也謂二病矛盾者暗於先後

也夫脾泄已久未嘗爲害新病熱熾宜當速去所謂急則

治標。俟邪去後補脾未晚。且潮熱爲風邪所致之熱。非陰虛火動之熱。吐血乃當汗不汗之血。非陰虛火動之血。經云奪血者無汗。奪汗者無血。當汗不汗。邪鼓血動。但得表解。斯熱退血止矣。胡曰。昔老母過錢塘。遇風濤受驚。因發熱咳嗽。血出痰多。今以公言質之。誠由風邪起病也。用蘇子麻黃薄荷解表爲君。枳殼桔梗桑白皮瓜蒌紫苑貝母消痰治嗽爲臣。酒芩甘草爲佐。二帖五更微汗而熱退胸膈不壅。嗽亦少減。血止大半。始進粥。次日減麻黃。加茯苓。夜服七制化痰丸。嗽亦減半。自是不惡風而去慢矣。前方減枳殼加苡仁調理而安。

黃履素曰、予弱冠患傷風、不謹床第、每晨起卽鼻中流涕、竟日痰不絕口、留連月餘、遂見痰中縷血、遺害無窮、諺云、傷風不醒、結成勞、蓋金水二藏情關子母、金傷則不能生水、子瀉則其母愈虛、水不能制火、火乘金而金益敗、此虛嗽之症所由成耳。信乎傷風雖小病、最不可不慎者。故補脾保腎、乃養生家第一義。而肺病極宜斷色慾、相關相應、捷於影響也。

又曰、予臨場慮不耐風寒、合玉屏風散服之、反自汗津津不止、蓋防風與黃耆各等分之謬也。本草云、黃耆得防風其功愈大、用黃耆七分配防風三分、斯得之矣。凡傷風未經和解、此方斷

不可服
慎之

喻嘉言治石開曉傷風咳嗽、未嘗發熱、自覺急迫欲死、呼吸不能相續、診之、見其頭面赤紅、躁擾不歇、脉亦豁大而空。謂曰、此症頗奇。全似傷寒戴陽症。何以傷風小恙亦有之。急宜用人參附子等溫補下元。以收回陽氣。不然子丑時一身大汗。脫陽而死矣。渠不以為然。及日落陽不用事、愈慌亂、不能少支、忙服前藥、服後稍寧片刻、又為牀側添同寢一人、逼出其汗如雨、再服一劑、汗止身安、咳嗽俱不作、詢其所由云、連服麻黃藥四帖。遂爾躁急欲死。然後知傷風亦有戴陽症。與傷寒無別總。因其人平素下虛。是以真

陽易於上走矣。

傷風而服麻黃至四劑即壯實人亦不能無害矧下虛者哉

雄按原有一種

雖似風實非傷風乃下元根久虧腎水泛濫以為痰浮陽衝激而成嗽也。今夏余偶診高石泉之脈左關尺浮絳而空因謂其仲郎雋生曰令尊之脈甚可慮也。既而無恙道雋生舉于鄉計偕有日而石泉陡患傷風馮某為之解散次日便瀉多次黃某為之分清第三日痰升氣逆自覺肩腫不能吸飲速余視之唇何嘗腫而舌色晦黯無津脈似蛛絲欲絕乃陰脫於下陽越於上也藥不能追已而果逝。洪張伯孝廉令堂病同此余一視而決其不治蓋雖似傷風而脈先虛促難尋也。旬日果敗皆十二月春前事也。聞許吉齋山長秋分後傷風數日而亡諒亦此類耳。

盧不遠治嚴忍公內人病發熱無汗

傷風亦多無汗嘔吐不止脈反

沉弱

傷風脈當浮今沉故曰反

人皆以為少陰症盧脈之沉弱中獨右

關表弦而中滑蓋風邪挾胃中水飲停積所致用乾葛半

夏吳萸黃連急煎緩服嘔吐遂止而熱轉盛復診視脈勢

欲浮、命其進粥、皆不敢、再三強之、呷濃米飲半杯、遂有汗而熱平、再進薄粥、汗多而熱退、乃問曰、風寒之邪、世皆大禁飲食、今啜粥而熱退、何也、曰、風之與寒、原自有別、世蓋溷之耳、仲景桂枝湯治風、服已啜粥、古人之精義也、蓋風者木也、木尅土、脾胃受之、仲景治法妙在不治風木、但令濕土氣行、而風木之邪自散、今熱轉盛而脈勢欲浮、是風邪欲散也、非穀氣揚溢、則胃力孱弱、汗何從來、是借桂枝之義、以除風邪之不能汗者。

按傷寒及感症日久、津液既枯、不能行汗、得大三才一氣湯一服、乃蒸變爲汗而愈矣。若多服風藥及香燥等

藥入必大作脹一二時許。然後來蘇。後賢以此爲內証之奇。予謂仍是仲景啜粥法耳。後人安能越古人之範圍哉。

吳孚先治盧敬菴暑月感寒服羌防發散汗出已愈後復感冒又用發散旋愈旋感前藥不應吳曰屢散不愈肺氣已虛徒攻表而不救表風邪乘虛而入無已時矣方用君黃芪五錢實肺氣以固衛佐防風一錢助芪力以祛邪

玉屏風散

如是則舊邪無所容而新邪無可入也二帖而痊

愚謂傷風一症殊非小恙有寒燠不時衣被失節而成者此必鼻塞聲重咳嗽多痰在元氣平和之人卽弗藥

自愈。若在腎水素虧。肝火自旺者。不過因一時風寒所束。遂作乾咳喉痛。此外邪本輕。內傷實重。醫者不察。肆行表散。致鼓其風木之火上炎。反令發熱頭痛。繼又寒熱往來。益與清解。不至十劑。肝腎與肺三藏已傷。損無遺。久者周年。近者百日。溘然逝矣。而世俗談者。咸以傷風不醒。便成勞爲言。噫。彼勞者。豈真由傷風而成也耶。愚哉言也。當易之曰。傷風誤表。必成勞耳。雄按。損由外感而成者甚多。雍乾間。歙人吳澄。字師朗。著不居集。一書專論外損。自成一家。惜用藥未盡善耳。

柴嶼青曰。乙丑新正。張妹婿家人之婿董四。患傷風來寓求診。卽決其不治。內人曰。彼少年驍人。傷風小病。何遽若此。

柴曰脉象已敗不可為也後果然。此必肝腎大傷之候也

張三錫治一人傷風自汗發熱不止自以為虛服補中益氣

湯熱轉劇診之脉弦而長實有力與升麻葛根湯倍白芍。

加桂枝少許一劑汗止熱退。治法

一人瀉而左脉浮急自汗鼻塞乃傷風作瀉也與五苓散加

防風白芷升麻葛根薑蔥煎服。全上

陸肖愚治吳遜齋夫人年六旬外素有脾泄之症三月間患

咳嗽吐血痰多而咯之不易出日潮熱胸膈支結不能就

枕畏風寒或以脉數吐紅身熱咳嗽皆血虛火盛也與養

血清涼泄未已而痰壅益加更醫以高年久瀉用六君子



瀉未已而痰壅殊甚。二醫商治。一以吐血不宜身熱脉大。一以泄瀉不宜身熱脉大。俱難不治。脉之左寸關浮洪。右寸關滑數。兩尺弱。此表邪不清也。蓋脾泄乃宿疾吐血。乃表氣之鬱矣。詢之果受風數日後而病作。用炒黑麻黃蘇葉前胡解表爲君。杏仁蘇子陳皮利氣爲臣。桑皮片芩花粉石膏清熱爲佐。甘草桔梗散膈和中爲使。二劑後微汗症頓減。去麻黃蘇葉石膏。加白芍茯苓。二劑症如失。與丸方治其脾瀉。人參白朮茯苓爲君。白芍霞天麴爲臣。炙草乾薑砂仁爲佐。棗肉神麴糊丸以爲使。服數旬而痊。

陸祖愚治陳理刑因勞頓後頭疼鼻塞咳嗽胸膈不利咽乾

身熱行動卽有微汗、有痰不能咯出、兩寸浮弦而數、左關弦緊、右關弦滑、兩尺平和、先用疎解和氣二劑、繼入養血二劑、二三日間諸症頓愈、

薛立齋治一婦人、素清苦、勤於女工、因感風邪、自用表散之劑、反朝寒暮熱、自汗盜汗、形氣甚虛、其脉或浮洪、或微細、其面或青白、或痿黃、此邪去而氣血愈虛也、用十全大補湯三十餘劑、漸愈、又用加味逍遙散兼治、半載而痊、

琇按傷風誤表多成勞損、觀此可鑒、

林觀子治一婦人、浴後被風、遂自汗出身熱、然無頭痛體痛、惡風諸症、旬日來雜治皆不效、其胸以上痞隔、漸至湯飲

到喉而止脉之關以上微浮。此瓜蒂散症也。其人素虛。與
桔梗蘆一兩煎服。到咽一吐。悉涎濁酸穢之物。又與一服。
再得吐始快。然熱除。調理數日而安。

毛氏子傷風喘嗽。復以飲食起居失調。遷延轉劇。診之面色

枯白。夢泄不禁。飲食減少。喘嗽發熱。兩脉虛微。知其喘爲

真氣上脫。熱爲陽氣外散。不與陰氣純虛者同。面色枯白

脾肺氣虛而不榮也。飲食減少。脾胃氣弱而不化也。夢泄

不禁。腎藏氣衰而不固也。此皆本氣爲病。用人參二錢。黃

耆三錢。肉桂五分。炙草五分。茯苓一錢。牛麴一錢。橘紅八

分。服數劑。喘漸平。熱漸退。隨與大造膏調理。飲食進而神

旺如初

朱翰文偶患風寒小疾、或以麻黃大發其汗、汗出不止、遂致
語言短怯、神氣不收、面色枯白、時有寒熱、已瀕危、診其兩
脉微瀋而虛、虛則氣少、瀋則陰傷、此元氣津液兩傷之候
也。傷風小症、何遽至此。蓋以麻黃辛甘氣溫、為傷寒發汗
重劑、今不當用而用之、不特劫其津液外亡、并元氣亦因
而脫矣。治法宜陰陽兩補。用人參製首烏、茯苓、白芍、丹皮、
甘草、廣皮、半夏、麴等三劑、脉象有神、諸症漸已、漸加耆朮
而安。

與喻嘉言
案合參

劉雲密曰、丁酉臘、人病頭痛惡風、鼻出清涕、兼以咳嗽痰甚

一時多患此。用冬時傷風之劑而愈者固多。然殊治者亦不少。蓋是年君火在泉。終之氣。乃君火。客氣爲主氣。寒水所勝。經曰。主勝客者逆。夫火乃氣之主。雖不同於傷寒之所邪入經。然寒氣已逆而上行。反居火位。火氣不得達矣。所以雖同於風。投以風劑。如羌活輩。則反劇。蓋耗氣而火愈虛也。至於桂枝湯之有白芍。固不得當。卽桂枝僅泄表實。而不能如麻黃能透水中之真陽以出也。故愚先治其標。用乾薑理中湯佐五苓散。退寒痰寒水之上逆。乃治其本。用麻黃湯去杏仁。佐以乾薑人參川芎半夏。微微取汗。守此方因病進退而稍加減之。皆未脫麻黃。但有補劑不取。